



6 Julai 2012

## **Sindiket bungkus dadah di hotel murah tumpas**

KEPALA BATAS 5 Julai - Polis menumpaskan satu kegiatan pengedaran dadah yang menjadikan hotel murah di Jalan Raja Uda, Butterworth sebagai tempat pembungkusan dadah, dalam serbuan di dua buah bilik di premis tersebut pada Isnin lalu.

Dalam serbuan pada pukul 10.30 malam itu, polis menahan 10 lelaki berumur antara 28 dan 30 tahun ketika leka membungkus dadah serta merampas dadah jenis heroin seberat 1.8 kilogram bernilai RM90,000.

Polis turut merampas dua buah kereta jenis Proton Wira dan Proton Waja serta lima motosikal serta peralatan membungkus dadah termasuk plastik, alat penimbang dan mesin pembungkus.

Ketua Polis Daerah Seberang Perai Utara, Asisten Komisioner Zulkifli Alias berkata, serbuan itu hasil maklumat orang awam dan risikan polis sejak empat bulan lalu.

...